

*BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA BOSANSKA KRUPA
OPĆINSKI NAČELNIK*

*BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
MUNICIPALITY OF BOSANSKA KRUPA
MAYOR OF MUNICIPALITY*



*PROGRAM RADA
Općinskog načelnika za 2016. godinu*

Bosanska Krupa, decembar 2015. godine

S A D R Ž A J

1. Uvod	3
2. Lokalna uprava	4
3. Lokalni razvoj i privreda	8
4. Obrazovanje, sport, kultura, mladi i nvo sektor.....	10
5. Zdravstvo i civilno društvo	13
6. Kapitalni projekti i infrastruktura	13
7. Ostale aktivnosti	16
8. Zaključak	16

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
OPĆINA BOSANSKA KRUPA
OPĆINSKI NAČELNIK

Na osnovu člana 45. Statuta Općine Bosanska Krupa-prečišćen tekst („Službeni glasnik Općine Bosanska Krupa“, broj 8/14) Općinski načelnik općine Bosanska Krupa, donosi:

P R O G R A M R A D A
OPĆINSKOG NAČELNIKA ZA 2016. GODINU

I Uvod

Osnovni zadaci i aktivnosti koji su obuhvaćeni Programom rada za 2016. godinu, za nosioca izvršne vlasti općine, Općinskog načelnika, su oni koji proističu iz Ustava, zakona i Statuta Općine Bosanska Krupa.

Program rada ima za cilj da definira prioritete aktivnosti koje će se naći u fokusu djelovanja Općinskog načelnika i cjelokupne općinske administracije u narednoj godini, a koncipiran na način da obuhvati sve zakonom propisane obaveze u vršenju javnih poslova upravljanja, kao i krajnje odgovorno djelovanje u interesu svakog pojedinca.

Metodologija izrade ovog Programa rada zasniva se na nekoliko temeljnih principa, među kojima su najvažniji objektivno prikupljanje svih relevantnih činjenica i ocjena njihove valjanosti i istinitosti, te korištenje raspoloživih podataka statističkih mjerenja privrednih, socijalnih i drugih pojava koje imaju ili bi mogle da imaju efekte na položaj i ulogu Općine Bosanska Krupa u ukupnom razvoju općine i Kantona. U tom smislu, tokom izrade ovog Programa obuhvaćeni su svi bitni pokazatelji, osobine i segmenti lokalnog društva kao što su prostorno-teritorijalni i geografski položaj općine i osobine, stepen razvijenosti infrastrukture i njene odlike, te stanovništvo kao najvažniji razvojni faktor, a radi sagledavanja stvarnog stanja i realizacije projekata kojim će se na najbolji mogući način ostvariti funkcije općine kao jedinice lokalne samouprave.

Po svom karakteru, ovo je planski akt, što znači da će se sve aktivnosti koje budu predmet ovog akta predvidjeti, te da će njihova realizacija zavisiti od objektivnih okolnosti koje budu prisutne u datom momentu. S obzirom na to da je riječ o planskom aktu, cilj je kvalitetno, precizno i realno planirati, uzimajući u obzir i sve moguće objektivne okolnosti.

Kada se kaže sve moguće objektivne okolnosti misli se prvenstveno na opće društvene teškoće i smanjena budžetska sredstva, kao izazove sa kojima se Općina Bosanska Krupa uspješno nosi već par godina. Unatoč tome Općina Bosanska Krupa se ubraja u red uspješnih općina, maksimalno je razvojno orijentisana i otvorena ka evropskim perspektivama. Ista opredjeljenja određuju i programske aktivnosti Općinskog načelnika, kao planski dokument koji ima za cilj unaprijediti nivo razvoja općine.

Postupanja Općinskog načelnika zasnovani su prije svega na obavljanju poslova iz okvira lokalne samouprave definisane prije svega Zakonom o lokalnoj samoupravi Unsko-sanskog kantona, izvršavanje zakona i sprovođenje općinskih odluka i smjernica Općinskog vijeća, neophodne saradnje općinskih službi sa Općinskim vijećem, sa višim nivoima vlasti, sa ombudsmenima, sa međunarodnim institucijama i organizacijama kao i sa drugim institucijama, organizacijama, udruženjima i građanima.

Aktivnosti na unapređenju funkcionisanja općinske uprave kroz primjenu Zakona o principima lokalne samouprave u Federaciji BiH, poboljšanje u organizaciji i funkcionisanju općinske uprave kao i stalan rad na održavanju i poboljšanju ostvarenih rezultata u pogledu pružanja usluga građanima stalan je zadatak.

Ovaj Program utemeljen je na određenim procjenama do kojih se došlo prije svega izvršenom analizom rezultata kloji su ostvareni u dosadašnjem radu, Strategiji razvoja Općine, planiranom Budžetu Općine za 2016. godinu, kao i drugim elementima čije sagledavanje se nameće kao nužnost prilikom sačinjavanja dokumenta ove vrste i sadržine.

II Lokalna uprava

Po Ustavu Federacije BiH ("Službene novine FBiH" broj 1/94, 13/97, 16/02, 22/02, 52/02, 18/03, 63/03, 9/04, 20/04, 33/04, 71/05, 72/05 i 88/08), općina je definisana kao jedinica lokalne samouprave. Prema Ustavu Općinski načelnik nadležan za provođenje općinske politike i izvršavanje općinskih propisa, kao i obavljanje svih dužnosti koje na općinu prenesu kantonalne i federalne vlasti. Zakon o principima lokalne samouprave u Federaciji BiH jasno definiše da općina ima pravo, osim vlastite nadležnosti ustanovljene Ustavom, baviti se i svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu Ustava i zakona. Isti zakon, također definiše da je općina samostalna u odlučivanju o pitanjima iz vlastitih nadležnosti i da ove nadležnosti ne mogu biti ograničene ili uskraćene od federalnih ili kantonalnih vlasti.

Ovaj Program obuhvata najvažnije zadatke općinskih službi koji su od općeg ili zajedničkog interesa pojedinih kategorija građana i njihovih asocijacija, mjesnih zajednica i lokalnog biznisa na kojima će se načelnik zajedno sa svojim saradnicima, državnim službenicima, namještenicima i zaposlenicima neposredno angažovati.

Pored poslova propisanih Ustavom, zakonom, Statutom i drugim propisima u cilju unapređenja funkcionisanja općinske uprave, aktivnosti će biti usmjerene i na:

- u oblasti investicija, poljoprivrede i komunalnih poslova:
 - nastaviti će se sa iniciranjem i učestvovanjem u izradi planova, programa i investicionih projekata od interesa za Općinu, što podrazumjeva i obavljanje pripremnih radnji, pribavljanje i izrada potrebnih tehničkih podloga, izrada projektnih zadataka, koordinacija i saradnja sa projektantskim biroima i izvođačima radova prilikom realizacije projekata, investicija; saradnja sa nadležnim organima i institucijama, i to naročito sa: nadležnim ministarstvima, direkcijama;
 - nastaviti će se raditi na stvaranju što povoljnijeg ambijenta za ulaganja u investicione programe;

- nastaviti će se raditi na poslovima i projektima koji su započeti u prethodnoj godini, kao i novim projektima u oblastima u kojima je propisana nadležnost općine kao jedinice lokalne samouprave, odnosno u kojima je izražen pravni interes općine;
 - radu na obezbjeđenju značajnih sredstava od viših nivoa vlasti u cilju izgradnje nove i revitalizacije postojeće infrastrukture;
 - analizi stanja poljoprivrede na području općine i sagledavanju mogućnosti daljeg razvoja;
 - izrada registra poljoprivrednog zemljišta namjenjenog za davanje u zakup, a koje je iz nadležnosti općine;
 - aktivnosti u oblasti poljoprivrede, platenička proizvodnja, aktivnosti u oblasti stočarstva, pčelarstva i druge slične aktivnosti;
 - poslovi na realizaciji programa zimskog održavanja saobraćajnica za sezonu 2015.-2016.godina;
 - poslovi zimskog i ljetnog održavanja ulica;
 - pojačan inspekcijski nadzor u oblasti komunalne djelatnosti;
 - pojačan inspekcijski nadzor u oblasti privremenog korišćenja javnih površina na području općine;
 - nastavak izrade baze podataka geografsko-informacionog sistema (GIS) što će omogućiti kvalitetno povezivanje svih postojećih baza podataka sa prostornim podacima;
 - nastavku održavanja svih javnih, zelenih i rekreativnih površina, kao i kontinuiranom održavanju i uređivanju svih drugih zelenih površina;
 - u oblasti rekonstrukcije puteva nastavak započelih projekata rekonstrukcije puteva, kao i izgradnji i rekonstrukciji novih putnih pravaca;
 - izrada projektnih aplikacija i apliciranje prema međunarodnim organizacijama i donatorima, u cilju obezbjeđenja finansijskih sredstava za realizaciju projekata;
 - podrški lokalnom privrednom razvoju-planiranju, projektovanju i vođenju svih infrastrukturnih i drugih projekata u općini, unapređenju i osnaživanju saradnje sa poduzetnicima, podrški razvoju poljoprivrede i ruralnih područja, nastavku primjene programa štednje u organima uprave i drugim institucijama i organima koji se finansiraju iz budžeta općine;
 - poboljšanje usluga javnog sektora na nivou lokalne zajednice;
 - kroz brojne projekte na nivou BiH, ali i u okviru prekogranične saradnje, stvaranju energetski efikasne općine i javnih ustanova i preduzeća, koja će i na tom polju biti u stanju nositi se sa evropskim standardima.
- U imovinsko – pravnoj, stambenoj i prostornoj oblasti planirane su sljedeće aktivnosti
 - provođenje postupaka upisa prava na nekretninama u katastar zemljišta;
 - nastaviti sa aktivnostima na uspostavi zemljišnih knjiga;
 - provođenje postupaka u rješavanju imovinsko-pravnih odnosa;
 - provođenje postupaka u rješavanju imovinsko-pravnih odnosa na nekretninama u slučajevima eksproprijacije i deeksproprijacije nekretnina;
 - rješavanje imovinsko-pravnih postupaka u realizaciji infrastrukturnih projekata u 2016. godini na području općine;
 - pojačana kontrola stanja i korištenja poslovnih prostora, kontrola stanja neaktivnih poslovnih prostora i slobodnih poslovnih prostora te sagledavanje stanja poslovnih prostora;
 - sačinjavanje programskih mjera i aktivnosti u cilju dovođenja neuslovnih poslovnih prostora u funkciju;

- praćenje stanja i problematike u oblasti propisa koji se primjenjuju u ovoj oblasti te davanje sugestija i prijedloga na nacрте i prijedloge zakona iz ove oblasti;
 - iznalaženje zakonske mogućnosti uknjižbe svih nekretnina koje predstavljaju vanknjižno vlasništvo Općine Bosanska Krupa;
 - dalje aktivnosti na popisu cjelokupne pokretne i nepokretne imovine Općine- uspostavi registra nekretnina-sistemskog načina upravljanja imovinom u vlasništvu općine;
 - praćenje i primjena propisa u stambenoj oblasti;
 - poslovi na nastavku realizacije projekta izgradnje stanova za interno raseljene osobe;
 - aktivnosti na izgradnji stambenih jedinica i zbrinjavanju zbrinjavanju romskih porodica;
 - izrada registra zelenih površina;
 - pojačan inspekcijski nadzor u oblasti bespravne gradnje i njenom sprječavanju;
 - izrade planova prostornog uređenja;
 - izrada Reglacionog plana Otoka I;
 - nastavak izrade izmjena i dopuna Regulacionog plana „Poslovna zona Pilana“
 - nastavak izrade izmjena i dopuna Regulacionog plana „Bare“;
 - izrada izmjena i dopuna Regulacionog plana Luke;
 - izrada Regulacionog plana „Poslovna zona Vatrene mlin“;
 - izrada Regulacionog plana Industrijska zona.
- U oblasti opće uprave, pored redovnih poslova i radnih zadataka, naročita pažnja će se posvetiti sljedećim aktivnostima:
 - dosljedna primjena nove pravne regulative iz oblasti vođenja matičnih knjiga (Zakon o matičnim knjigama).
 - Zakonom o izmjenama i dopunama Zakona o matičnim knjigama (“Službene novine Federacije BiH”, broj 80/14) matične službe su dobile u nadležnost i poslove upisa novorođene djece prema mjestu prebivališta majke, tako da će se sva novorođenčad sa naše Općine upisati u matične knjige našeg matičnog ureda, a intezivirat će se i sve druge aktivnosti na daljnjoj realizaciji i drugih poslova koji su prešli u isključivu nadležnost općinskih matičnih ureda;
 - poboljšanje uslova smještaja arhivske građe
 - stručno usavršavanje i educiranje matičara i drugih službenika raspoređenih na poslove matičnog ureda (tri nivoa edukacije: unutar organa, edukacije koje će vršiti Kantonalni MUP i edukacije Federalnog MUP-a)
 - inoviranju socijalnih programa i brige za ugrožene i kategorije u stanju socijalne potrebe, boračku populciju, raseljena lica i izbjeglice;
 - nastaviti će se proces jačanja lokalne zajednice i to naročito kroz efikasan rad mjesnih zajednica i Savjeta mjesnih zajednica, gdje se najbolje mogu uočiti svi problemi koji se tiču građana naše općine, kao i inicirati njihovo efikasno rješavanje;
 - aktivnosti na daljem jačanju MZ kroz MEG projekat u saradnji sa UNDP-om (obezbjeđena sredstva u iznosu od 70.000,00 KM u dvije godine);
 - vođenju aktivnosti na aktivnijem uključivanju građana u odlučivanje;
 - omogućavanju građanima i pravnim licima da što efikasnije i jednostavnije ostvaruju svoja prava i izvršavaju svoje obaveze.

- U oblasti civilne zaštite planirane su sljedeće aktivnosti:
 - poslovi na daljem ažuriranju Plana zaštite i spašavanja ljudi i materijalnih dobara od prirodnih i drugih nesreća;
 - poslovi na ažuriranju Procjene ugroženosti Općine od prirodnih i drugih nesreća;
 - planiranje i poduzimanje preventivnih mjera na umanjenju opasnosti od prirodnih i drugih nepogoda; praćenju stanja priprema za zaštitu i spašavanje od prirodnih i drugih nesreća na području općine i preduzimanje pravilne, stručne, efikasne i blagovremene primjene zakona i drugih propisa i akata;
 - kontinuiranu koordinaciju sa Uredom BHMAC-a, predlaganje i praćenje projekata deminiranja, tehničkog izviđanja i trajnog obilježavanja rizičnih površina od mina na području općine;
 - prikupljanje podataka o kontaminiranim površinama od mina, obradu podataka i kandidovanje projekata za obilježavanje i deminiranja nadležnim institucijama;
 - koordinaciju i pomoć mjesnim zajednicama, preduzećima i drugim pravnim licima u organizovanju i planiranju zaštite i spašavanja ljudi i materijalnih dobara od prirodnih i drugih nesreća;
 - praćenje klimatoloških prilika na području općine (mjerenje temperaturne vrijednosti zraka, praćenje vodostaja svih rijeka, snježnog pokrivača itd);
 - praćenje pojava klizišta, evidentiranje novih i predlaganje preventivnih mjera za zaštitu i spašavanje ljudi i materijalnih dobara;
 - evidentiranje bespravno izgrađenih objekata koji predstavljaju smetnju i opasnost za stanovnike Općine i njihova materijalno tehnička dobra i u saradnji sa drugim službama otklanjati potencijalne opasnosti;
 - poslovi obilježavanja objekata koji ugrožavaju živote i imovinu Općine;
 - aktivnosti na pojačanom, stalnom i kontinuiranom praćenju situacije na području Općine, a koja se tiče kako ruševnih objekata tako i klizišta i drugih sličnih situacijama.

- U Oblasti informacionih sistema planirane su sljedeće aktivnosti:
 - poboljšanje i održavanje postignutog stepena funkcionalnosti servisa IT, i to: poboljšanje mrežnih servisa (LAN WAN, Internet i Intranet);
 - implementacija alata za Monitoring, web sigurnost i kontrolu pristupa;
 - održavanje kontinuiteta korištenja legalnog softvera;
 - konsolidacija ispisa u Općini;
 - aktivnosti na pojačanom korištenju sopstvenih resursa u informatičkoj oblasti;
 - nastavak podrške "korisnicima" aplikacija koje su "spuštene" sa drugih nivoa vlasti.

Kao logična posljedica prethodnog i kao prioritetan cilj ove godine, kao i prethodnih, bit će stvaranje još efikasnije uprave – uprave koja će omogućiti zadovoljavanje osnovnih potreba građana i rješavanje njihovih pojedinačnih zahtjeva, i to prije svega svojim profesionalnim, stručnim i odgovornim angažmanom. U cilju efikasnije naplate i ubiranja sredstava pojačat će se kontrola rada organa koji imaju nadležnost naplate naknada, izvršit će se ažuriranje uputstava i naredbi koje se odnose na ovu oblast i u skladu sa odlukama osigurati kontinuiran i kvalitetan nadzor u ovoj oblasti.

U 2016. godini nastavit će se sa aktivnostima praćenja racionalnog i efikasnog funkcionisanja Jedinственog općinskog organa uprave i to kroz analizu sistematizovanih radnih mjesta, kao i preispitivanje postojeće organizacije općinskih službi, što je naš stalan i kontinuiran zadatak.

I u narednoj godini aktivnosti će bit usmjerene na provedbi propisa iz svih oblasti iz djelokruga rada organa uprave i službi za upravu općine od kojih prije svega i dalje mislimo na provedbu zakona preko kojih građani najviše rješavaju svoje životne probleme.

Također, i ove godine obezbjedit će se aktivno učešće općine u postupcima donošenja zakonskih i podzakonskih akata na svim nivoima vlasti kroz davanje kvalitetnih sugestija, mišljenja ili prijedloga na utvrđene nacрте ili prijedloge određenih akata. Naravno, u svim situacijama u kojima se ocijeni da je došlo do povrede prava na lokalnu samoupravu, reagovat ćemo i pred nadležnim organima tražiti zaštitu povrijeđenih prava i interesa.

I u 2016. godini ćemo, a u koordinaciji sa drugim općinama USK, intezivnije raditi na rješavanju određenih ključnih pitanja koja su bitna za funkcionisanje općine kao jedinice lokalne samouprave, kao i za život i dobrobit njenih građana. Pitanja koja će, između ostalog, biti predmet posebnog interesovanja su: finansiranje općina, Zakon o koncesijama, Zakon o dobrobiti životinja (problem pasa lualica – nezbrinutih životinja) i druga slična pitanja.

Maksimalnu pažnju i dalje ćemo posvetiti budžetskoj disciplini, te transparentnosti rada organa uprave u svim vidovima. Nastavit ćemo stvarati uslove za podizanje finansijske discipline na veći nivo, te iznalaziti i druge mogućnosti koje mogu doprinijeti stabilizaciji finansijskog stanja. Općinski načelnik će u skladu sa svojim nadležnostima i ovlaštenjima, kao naredbodavac izvršenja budžeta Općine za 2016. godinu, preduzimati i dalje sve aktivnosti u cilju praćenja, ostvarenja i zakonitog trošenja budžeta, redovno izvještavati Općinsko vijeće, te na zakonom propisan način po unaprijed definisanim pravilima kontrolisati i usmjeravati kako budžetsku potrošnju tako i svih dijelova lokalne uprave. Nastavit će se aktivnosti uspostavljanja sistema kontrole finansijskog poslovanja Općine, te korisnika budžeta Općine.

U skladu sa Programom rada OV, a u saradnji sa službama, aktivnosti usmjeriti da pravovremeno i maksimalno efikasno pripremimo predmetne materijale, kako bi se isti u najvećoj mjeri izvršili. Naravno, osim planiranih aktivnosti u ovom segmentu, Općinsko vijeće će biti u prilici da razmatra i nove normativne i druge akte za čijom izradom se pojavi potreba, a što u ovom momentu nije moguće planirati.

II Lokalni razvoj i privreda

Planirane aktivnosti u oblasti privrede u 2016. godini podudaraju se sa dugoročnim strateškim ciljevima u ovoj oblasti, u čijem fokusu je unapređenje ukupnog poslovnog ambijenta u skladu sa važećim strateškim dokumentima. To podrazumijeva:

- nastavak aktivnosti na stvaranju povoljnog ambijenta za ulaganja investitora,
- razvijanje javno-privatnog partnerstva,
- privlačenje novih investicija,
- uspostava registra zemljišta poslovnih zona,
- proširenje građevinskog zemljišta,
- stvaranje još povoljnijeg ambijenta za ulaganje, kako domaćeg tako i stranog kapitala na području općine,
- implementaciju infrastrukturnih i drugih projekata u funkciji razvoja novih radnih mjesta,

- unaprijediti saradnju sa poduzetnicima kroz Privredni savjet, koji je partner i/ili korektiv lokalnoj administraciji u stvaranju boljeg poslovnog ambijenta,
- održavati sastanke sa privrednicima i kontinuirano obilaziti firme kako bi se upoznali sa stanjem u njihovom poslovanju,
- informisati više organe vlasti o rezultatima i teškoćama poslovanja privrednika, kako bi se donijele odgovarajuće mjere i zakoni u oblasti ekonomije i razvojne politike,
- nastavak ulaganja u Poslovnu zonu „Pilana“,
- nastaviti postupak i procedure izmjene Prostorno-planske dokumentacije, kao i ostale aktivnosti u vezi sa prostornim planiranjem;
- kandidovati prema višim nivoima vlasti i međunarodnim institucijama kapitalne projekte,
- aktivno raditi na programu razvoja turizma i korištenje turističkih potencijala,
- rješavati problem zapošljavanja kroz Program mjera za poticaj zapošljavanja i održavanja više stope zaposlenosti, kojim su definisane pojedinačne poticajne mjere i to:
 - o program javnih radova čiji je cilj angažovanje najugroženijih kategorija nezaposlenih lica sa evidencije nezaposlenih uz naknadu, a u svrhu izvršavanja poslova od šireg društvenog interesa i to u oblastima uređenja okoline, izgradnje infrastrukture, te socijalne zaštite;
 - o program sufinansiranja zapošljavanja pripravnika i volontera VSS, VŠS, SSS čiji je cilj, kao i proteklih godina, pružiti mogućnost zapošljavanja i osposobljavanja mladih osoba bez radnog iskustva za samostalan rad u struci, odnosno obavljanje pripravničkog i volonterskog staža;
 - o program nabavke plastenika i obuke za samozapošljavanje kojim nastavljamo sa dosadašnjom dobrom praksom nabavke i dodjele plastenika nezaposlenim osobama, čiji je osnovni cilj poticaj osoba da na svom imanju pokrenu plasteničku proizvodnju, razvoj i stimulisanje iste. Pored nabavke i dodjele plastenika, ovaj program obuhvata obuku i savjetovanje početnika u plasteničkoj proizvodnji;

Budžetom za 2016. godinu smo planirali sredstva u iznosu od 50.000,00 KM za Program podrške razvoja poduzetništva. To su poticajna sredstva za firme koja imaju najveći potencijal za kreiranje novih radnih mjesta, uglavnom su to prerađivačka preduzeća, a indikatori koji će biti u fokusu ovog Programa su rast zaposlenosti, rast investicija, rast prihoda i rast izvoza.

Projekt Poslovna zona „Pilana“

Nastavak unapređenja Poslovne zone „Pilana“ u kojoj danas posluje d.o.o. „Zah“ Bosanska Krupa, d.o.o. „Bosancar“ Bosanska Krupa, d.o.o. „Acma“ Bosanska Krupa, d.o.o. „CNC N&K tehnik centar“ Bosanska Krupa, d.o.o. „Bingo“ Tuzla, d.o.o. „Reni inženjering BH“ Bosanska Krupa. Trenutno u Poslovnoj zoni radi 269 naših sugrađana, a po privrednim subjektima kako slijedi: d.o.o. „Bosancar“ – 70 radnika, d.o.o. „Zah“ – 78 radnika od kojih 43 u samoj Poslovnoj zoni, d.o.o. „Acma“ – 7 radnika, d.o.o. „Reni inženjering BH“ – 6 radnika, d.o.o. „Bingo“ – 50 radnika i d.o.o. „CNC N&K tehnik centar“ – 3 radnika. U poslovnoj zoni trenutno svoje objekte grade d.o.o. „Sandin“ Bosanska Krupa, JP „Elektro privreda BiH“, d.o.o. „Radial-export import“ Bosanska Krupa, a od subjekata koji već djeluju na ovom području svoje kapacitete proširuju d.o.o. „Zah“ Bosanska Krupa, d.o.o. „Bosancar“ Bosanska Krupa.

Kako je Poslovna zona Pilana prvorangirani projekt u Federaciji Bosne i Hercegovine na Rang listi korisnika Grant sheme „Unaprjeđenje poduzetničkih zona u Federaciji Bosne i

Hercegovine“ izrađenoj od strane Federalnog ministarstva razvoja, poduzetništva i obrta Mostar i UNDP-a (obezbijeđili sredstva u iznosu od 150.000,00 KM od strane Federalnog ministarstva razvoja, poduzetništva i obrta, 50.000,00 KM vlastitih sredstava i 2.300,00 KM sredstva Plod centra), u 2016. godini ćemo planirati realizovati projekt izgradnje dijela interne saobraćajnice u Poslovnoj zoni.

U fazi smo izrade koncept note za unapređenje Poslovne zone Pilana za apliciranje prema USAID-u za projekt G2G, vrijednost projekta iznosi 305.000,00 KM.

Projekt Poslovna zona „Vatreni mlin“

S obzirom da je Poslovna zona Pilana poprilično popunjena i da je ostalo malo parcela s malom površinom, te kako postoji i zainteresovanost i potreba za novim investicijama, postojala je potreba za novim prostorom za investiranje. S toga smo se odlučili smo se na uspostavu Poslovne zone Vatreni mlin. Projekt Poslovna zona „Vatreni mlin“ je osmišljen s ciljem da se potakne razvoj proizvodnje i da se da zamah stvaranju poduzetničke klime koja će poticajno djelovati na privlačenje novih firmi iz zemlje i inostranstva i njihovih ulaganja i u ovom dijelu naše općine, čime bi poboljšali ekonomsko i socijalno stanje stanovništva.

U 2016. godini ćemo izraditi planske dokumente, ukloniti oronule objekte, očistiti kompletnu površinu zone, izvršiti izmještanje nadzemnih i podzemnih komunalnih i drugih instalacija, izraditi projektnu dokumentaciju za izvođenje radova na opremanju građevinskog zemljišta, izvršiti sanaciju zemljišta, izgraditi saobraćajnice, izgraditi objekte i instalacije javne rasvjete, vertikalne i horizontalne saobraćajne signalizacije, izgraditi građevine i uređaje za odvod površinskih i otpadnih voda, te uređaja i postrojenja za njihovo prečišćavanje i još dosta toga.

Industrijska zona

Industrijska zona je davno formirana, međutim, ista do sada nije dala rezultate jer je najveći dio zemljišta u privatnom vlasništvu. Ispitivajući poduzetnički potencijal odnosno interes za ulazak u zonu, interes za ulaganje u ovu zonu iskazao je investitor koji bi gradio poslovni objekt na oko 12 hiljada m², čime bi direktno pospješio poljoprivrednu proizvodnju na području USK-a, a naročito u Bosanskoj Krupi. Po dosadašnjem saznanju na toj lokaciji bi se davala podrška poljoprivrednim proizvođačima u smislu stručnog savjetovanja, te bi se od prodaje sjemena do otkupa gotovog proizvoda.

U cilju razvoja ove industrijske zone, u 2016. godini ćemo izraditi Regulacioni plan Industrijska zona, kako bi obezbijedili uslove za ulaganje investitora.

III Obrazovanje, sport, kultura, mladi i NVO sektor

➤ Obrazovanje

U ovoj oblasti već nekoliko godina postoji kontinuitet izgradnje, rekonstrukcije i sanacije obrazovnih objekata, kao i praćenje rada i aktivnosti u predškolskoj ustanovi, osnovnim i srednjim školama, uz pružanje svih mogućih vidova pomoći u organizaciji rada i drugim vidovima aktivnosti ovih ustanova. Ovaj kontinuitet ćemo nastaviti i u 2016. godini, a posebnu pažnju ćemo obratiti na:

- podizanje nivoa opremljenosti škola,
- podjelu besplatnih udžbenika za učenike iz socijalno ugroženih porodica,

- nastavak izgradnje, rekonstrukcije i adaptacije školskih objekata, te održavanje postojećih,
- podržavanje školskih manifestacija,
- stipendiranje i stimulisanje obrazovanja učenika,
- sufinansiranje prijevoza učenika srednjih škola,
- putem privrednog savjeta tražiti nova usmjerenja u srednjim školama, već održan sastanak sa ministrom po pitanju ove problematike,
- podržavanje javne i kulturne djelatnosti škola i stimulisanje njihove saradnje sa mjesnim zajednicama i Općinom.

➤ **Sport**

- u skladu sa nadležnostima, nastaviti pružanje podrške sportskim kolektivima i masovnom sportu kao veoma značajnoj oblasti društvenog života,
- nastaviti pružanje podrške sportskim klubovima i razvoju masovnog sporta kao veoma značajnoj oblasti društvenog života,
- nastaviti sa podržavanjem sportske rekreacije građana, školskog sporta i sportsko-rekreativnih takmičenja, turnira i manifestacija,
- raditi na izgradnji sportske infrastrukture kroz sanaciju i adaptaciju postojećih i izgradnju novih sportskih objekata, dječijih igrališta i terena za male sportove.

➤ **Kultura**

- nastaviti sa podržavanjem kulturnog stvaralaštva na području općine i kulturno-umjetničkih društava;
- organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine, Unsko-sanski kanton i općinu Bosanska Krupa;
- u skladu s finansijskim mogućnostima pomagati manifestacije koje se organizuju na prostoru naše općine u svim mjesnim zajednicama;
- organizovati i druge javne i kulturne manifestacije.

➤ **Mladi i NVO sektor**

U okviru podrške mladima posebna pažnja bit će posvećena napređenju omladinske politike kroz pružanje podrške radu omladinskih udruženja sa područja općine, afirmisanju mladih na području samoorganizacije i većeg angažmana na polju društvenog aktivizma mladih. Ujedno će se nastaviti s pružanjem podrške radu Vijeća mladih Općine Bosanska Krupa. Dodatno će se raditi na institucionalizaciji omladinske politike kroz sistematsko rješavanje problema sufinansiranja omladinskih projekata iz oblasti kulture, sporta, neformalnog obrazovanja, zdravlja mladih, zapošljavanja i dr. Konstantno će se težiti informisanju mladih o mogućnostima finansiranja i potrebama mladih, sa posebnim naglaskom na ruralne mjesne zajednice i organizacije koje djeluju na tim područjima.

- nastavak projekta Omladinske banke BiH za koji je Općina Bosanska Krupa dobila priznanje - za izuzetan doprinos u razvoju Omladinske banke, tj. podršku programa i sufinansiranje 15 projekata koje su u 2015. godini osmislili i realizirali mladi iz Bosanske Krupe,

- nastaviti ćemo sa projektom PRO Budućnost-USAID-ovim projektom izgradnje pomirenja i povjerenja među građanima i građankama svih etničkih grupa u BiH. Projektne aktivnosti uključuju mlade, nevladine organizacije, udruženja žena, vjerske zajednice, medije, različite nivoe institucija vlasti, koji će zajednički doprinijeti boljem suživotu građana i građanki Bosne i Hercegovine. Kroz projekt će se raditi zajedno s građanima da se otvori dijalog koji će rezultirati prihvatanjem i razumijevanjem drugačijih identiteta i specifičnih priča, te s ključnim utjecajnim akterima da podrže lokalne inicijative razvoja i pomirenja,
- i u 2016. godini ćemo u saradnji sa Institutom za razvoj mladih KULT realizovati projekt „Omladinski start-up biznisi finansirani od strane lokalnih zajednica“. Ovaj projekt ima za cilj poboljšanje i jačanje mehanizma podrške omladinskom preduzetništvu u lokalnim zajednicama, otvaranje novih radnih mjesta dodjeljivanjem finansijskih sredstava i pružanjem savjetodavne podrške mladim preduzetnicima pri pokretanju start-up biznisa, te omogućavanje volonterskog angažmana određenom broju mladih u svrhu ličnog usavršavanja.

Nastavit ćemo:

- provoditi Program mjera za poticaj zapošljavanja i održavanja više stope zaposlenosti,
- podržavati udruženja koja okupljaju mlade,
- podržavati pojedince i afirmativne manifestacije koje okupljaju mlade,
- podsticati umrežavanje omladinskih organizacija na nivou općine, te omladinskih organizacija iz Bosanske Krupe sa drugim regionalnim i međunarodnim institucijama i organizacijama,
- izvršiti istraživanje položaja mladih na nivou općine u saradnji sa Vijećem mladih, te na osnovu rezultata istog pristupiti izradi strateškog dokumenta koji će se baviti mladima,
- organizirati obuku članova omladinskih organizacija u kontekstu projektnog menadžementa za projekte EU i drugih stranih donatora,
- organizovati aktivnosti koje će okupljati mlade: druženje kroz čišćenje i uređenje grada, koncertne aktivnost, predstave, turnire, javne radove i slične aktivnosti,
- podržavati projekte mladih, sportskih klubova, KUD-ova i svih udruženja koja okupljaju mlade,
- zajedno sa mladima ću biti organizator sportskih takmičenja, koncerata za mlade i sponzor njihovih aktivnosti (izložbe, revije, omladinska poduzetništva i slično),
- aktivnosti unapređenja partnerskih odnosa između lokalne vlasti i civilnog društva,
- podržavati programe nevladinog sektora i humanitarnih organizacija,
- nastaviti sa obezbjeđenjem prostornih uslova za rad udruženja koja imaju neuslovne prostorije ili ih nemaju nikako,
- specifične oblasti, kao što je briga o Romima, podrazumijevat će: pojačanu saradnju sa udruženjima Roma, iniciranje formiranja i drugih udruženja koja okupljaju nacionalne manjine, formirati bazu podataka o Romima,
- u saradnji sa nadležnim institucijama raditi na prevenciji od upotrebe narkotika i opojnih sredstava.

IV Zdravstvo i civilno društvo

➤ Zdravstvo

U svrhu poboljšanja zdravstvene zaštite stanovništva u saradnji sa Ministarstvom zdravstva i socijalne politike USK-a i menadžementom ZU „Dom zdravlja“ Bosanska Krupa raditi na poboljšanju kvalitete rada.

➤ Penzioneri

U saradnji sa rukovodstvom Centra za socijalni rad raditi na kreiranju boljeg organizovanja i stvaranju boljih uslova za efikasniji rad ove ustanove. Na lokalnom nivou u saradnji sa Udruženjem penzionera i dalje voditi aktivnosti na brizi o penzionerima kroz zagovaranje njihovih prava. U saradnji sa JU „Centar za socijalni rad“ Bosanska Krupa i Udruženjem penzionera iz Bosanske Krupe, a u cilju pomoći penzionerima, kao i ranijih godina, socijalno ugroženim penzionerima dodjeljivati jednokratne pomoći za nabavku ogrjeva, prehrane i drugih nužnih potreba. Pored ove kategorije programskim aktivnostima za 2016. godinu obuhvaćeni su i ostali socijalno ugroženi pojedinci koji će se pomagati kroz jednokratne pomoći pomoći socijalno ugroženoj kategoriji stanovništva kao i pomoći za liječenje i nabavku lijekova.

➤ Boračka populacija

U 2016. godini nastojat će se obezbijediti još veća podrška i pomoć boračkim kategorijama. U okviru nadležnosti službe će se, pored poslova vođenja upravnog postupka, donošenja rješenja o oslobađanju od naknada, pružati pomoć u realizaciji programa boračkih organizacija, pomoć u postupku prikupljanja dokumentacije za prijavu na javne pozive, kao i za ostvarivanje drugih prava u upravnom postupku. I dalje provoditi aktivnosti oko organizovanja obilježavanja značajnijih datuma u periodu 1992. -1995. godine.

Nastavit ćemo:

- aktivno raditi na implementaciji Zakona o dopunskim pravima branilaca i članova njihovih porodica i Odluke o pravu na oslobađanje od obaveze plaćanja taksa i naknada za bratioce i članove njihovih porodica,
- pomagati rješavanje stambenih potreba najugroženijih,
- i dalje omogućavati korištenje općinskih prostorija bez naknade za nesmetan rad i funkcionisanje udruženja,
- organizovati aktivnosti koje će okupljati ovu populaciju.

V Kapitalni projekti i infrastruktura

U 2016. godini planira se:

- u 2015. godini smo realizirali I fazu izgradnje kanalizacionog sistema u koju je uloženo 1.358.000,00 KM, u 2016. godini planiramo II fazu izgradnje kanalizacionog sistema na području općine čija će vrijednost iznositi 3,5 miliona KM, a koja će obuhvatiti gradnju kolektora i asfaltiranje;

- uspostava poslovne zone „Vatreni mlin“ (izraditi planske dokumente, ukloniti oronule objekte, očistiti kompletnu površinu zone, eventualno izvršiti izmještanje nadzemnih i podzemnih komunalnih i drugih instalacija, izvršiti sanaciju zemljišta, provesti aktivnosti za pripremu: izgradnje saobraćajnice i instalacije javne rasvjete, vertikalne i horizontalne saobraćajne signalizacije, izgradnje građevina i uređaja za odvod površinskih i otpadnih voda, te uređaja i postrojenja za njihovo prečišćavanje,
- nastavak radova na izgradnji infrastrukture u Poslovnoj zoni „Pilana“, što obuhvata izgradnju dijela interne saobraćajnice;
do sada smo izradili planske dokumente, uklonili oronule objekte, očistili kompletnu površinu zone, izvršili izmještanje nadzemnih i podzemnih komunalnih i drugih instalacija, izradili projektну dokumentaciju za izvođenje radova na opremanju građevinskog zemljišta, izvršili sanaciju zemljišta, izgradili saobraćajnice, izgradili objekte i instalacije javne rasvjete, vertikalne i horizontalne saobraćajne signalizacije, izgradili građevine i uređaje za odvod površinskih i otpadnih voda, te uređaja i postrojenja za njihovo prečišćavanje,
- proširenje Poslovne zone „Pilana“ – što obuhvata imovinu Općine koja se nalazi unutra imovine „Una-Om“ i rješavanjem firme „Krupatrans“ u stečaju. Razmatrajući ovu problematiku i strateški plan razvoja općine, uviđa se velika potreba za stvaranjem ambijenta za privlačenje investitora koji bi pokretnanjem svojih djelatnosti smanjili nezaposlenost, te bi se na taj način barem djelomično riješio akutni problem nezaposlenosti i povećao priliv poreznih i neporeznih prihoda u budžet općine. Otvaranjem novih pogona za proizvodnju, automatski će se stvoriti potreba za kooperantima na području općine te će se i na taj način smanjiti nezaposlenost i podići kvalitet života građana na području općine;
- izrada investiciono-tehničke dokumentacije za sanaciju i prilagođavanje deponije “Medžre – Vlaški Do” i nastavaka aktivnosti u procesu uspostavljanja centra za upravljanje otpadom i reciklažu umjesto dosadašnjeg deponovanja otpada,
- pristupiti kompletnoj sanaciji velikog drvenog mosta u centru grada,
- izvođenje radova na uređenju obala Une i Krušnice
- uređenje i održavanje Starog grada Pset,
- završetak izgradnje vodovoda za podgrmečka naselja, te priprema aktivnosti na izgradnji sekundarne mreže i dovođenje vode u domove, vikendice i privredna društva,
- otpočinjanje radova na uređenju bedema Starog grada u Jezerskom i iznalaženje sredstava za dalje radove,
- poduzimanje aktivnosti na nastavku radova na izgradnji zgrade Gimnazije u Bosanskoj Krupi;
- nastaviti započete projekte rekonstrukcije puteva, kao i izgradnji i rekonstrukciji novih putnih pravaca;
- završetak radova na izradi krova na objektu područne škole u Pištalinama i aktivnosti na iznalaženju sredstava za dalje radove,

- nastaviti kontinuiranu pomoć u izgradnji, rekonstrukciji i adaptaciji školskih objekata i održavanje postojećih;
- nastavak izgradnje javne rasvjete na području cijele općine, maksimalno reducirati potrošnju javne rasvjete;
- sa Razvojnoum agencijom USK i Evropskom komisijom, nastavak realizacije projekta BINOVA (Centar za podršku inovacijama koji će pružati niz programa podrške malom i srednjem poduzetništvu) u Poslovnoj zoni „Pilana“. Centra za podršku inovacijama u Poslovnoj zoni Pilana u Bosanskoj Krupi (BSC – Business Support Center) će pružati čitav niz programa podrške malom i srednjem poduzetništvu. Programi podrške će biti bazirani na znanju, savremenim tehnologijama, saradnji sa ključnim akterima u lokalnoj zajednici i stvarnim potrebama na tržištu. Cilj projekta je da se stimulira ekonomski razvoj i zapošljavanje u USK, poboljšanjem poslovnog okruženja i operativnog okvira za malo i srednje poduzetništvo kroz bolju infrastrukturu i kroz pružanje kvalitetnijih usluga;
- sa njemačkom organizacijom ASB nastaviti izgradnju i završiti stambene zgrade za zbrinjavanje socijalno ugroženih Roma; voditi aktivnosti na iznalaženju sredstava za izgradnju novih, sanaciju ili rekonstrukciju postojećih objekata;
- kroz projekt „IFAD“ – „Projekt ruralnog razvoja“ raditi na stvaranju boljeg ambijenta u ruralnim dijelovima općine i podršku razvoju poljoprivredne proizvodnje,
- nastavak ostalih započetih projekata i pripreme za realizaciju već pripremljenih projekata, kao i novih projekata koji su od važnosti za građane i općinu Bosanska Krupa.

Osim navedenog u 2016. godini aktivnosti će biti usmjerene na:

- uređenje zelenih površina i opremanja mjesta za rekreaciju,
- uređenja i održavanja parkova,
- čišćenja i humusiranja obala naših rijeka, Une i Krušnice,
- zaštita površinskih i podzemnih voda,
- poticati korištenje obnovljivih izvora energije, veće energetske učinkovitosti,
- zaštita prirodnih vrijednosti,
- poticati ekološku poljoprivredu,
- nastavak realizacije projekta „Certifikacija gradova i općina s povoljnim poslovnim okruženjem-BFC“ BFC je jedinstveni program poboljšanja kvalitete usluga i informacija koje gradovi i općine pružaju investitorima. Program certifikacije pruža gradovima i općinama jasne smjernice o načinu stvaranja dobre poslovne klime i uvođenja međunarodno priznatih standarda efikasne i transparentne lokalne administracije. Investitorima koji žele preseliti ili proširiti svoje poslovanje, BFC služi kao standardizirani mehanizam za procjenu lokalnih uvjeta poslovanja i identificiranje gradova i općina u regiji s najpovoljnijom klimom za investiranje,
- zajedno sa LAG-om raditi na prezentaciji Zanatskog centra kao Centra za podršku i razvoj poduzetništva, te vršiti edukaciju poduzetnika.

Ovim programom želim izraziti apsolutno opredjeljenje izvršne vlasti za ubrzanim razvojem općine Bosanska Krupa, te nastavku svih projekata od interesa za lokalnu

zajednicu i u svakom pogledu nastavak do sada uspješno realizovanih stavki predviđenih budžetom Općine.

VI Ostale aktivnosti

U skladu sa Odlukom o utvrđivanju značajnih datuma za općinu Bosanska Krupa:

- organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine, Unsko-sanski kanton i općinu Bosanska Krupa,
- u skladu s finansijskim mogućnostima pomagati manifestacije koje se organizuju na prostoru naše općine u svim mjesnim zajednicama,
- organizovati i druge javne i kulturne manifestacije.

Nastaviti saradnju sa općinama u okruženju, te putem kolegija Općinskih načelnika i Saveza općina i gradova Federacije Bosne i Hercegovine, djelovati na poboljšanju uslova u lokalnim zajednicama. Kroz Evropski pokret za ravnopravnost i dalje promovisati našu općinu u zemlji i inostranstvu.

VII Zaključak

Uz navedeno, kao neophodnost u radu Općinskog načelnika, ovim programom se utvrđuje:

1. preduzimanje svih mogućih aktivnosti u cilju ostvarivanja maksimalno korektne saradnje sa Općinskim vijećem, političkim partijama i u tom smislu transparentan rad i puna saradnja su osnov za potpunu implementaciju predviđenih zadataka;
2. aktivno učešće u radu Saveza gradova i općina Federacije Bosne i Hercegovine, te nastavak saradnje sa drugim općinama kako u zemlji tako i u inostranstvu, te traženje veza parnterstva i bratimljenja;

I pored naprijed navedenog, osnovni ciljevi ovog Programa u godini koja je pred nama su postavljeni realno, pa su realna očekivanja da će se i realizovati uz angažovanje svih resursa, unutrašnjih i vanjskih. Prije svega, nastavit će se raditi na poslovima i projektima koji su započeti u prethodnoj godini i otpočeti projekte planirane budžetom. U cilju realizacije projekta kojima ćemo unaprijediti kvalitet života građana aplicirat ćemo za projekte sa međunarodnim institucijama, kao i višim nivoima vlasti.

I dalje će se djelovati na stvaranju što povoljnijeg ambijenta za ulaganja u investicione programe, i to kroz obezbjeđivanje bitnih pretpostavki za programe. U cilju privlačenja investitora u planu nam je izrada registra zemljišta poslovnih zona u kojem će biti prezentirane lokacije za građenje sa svim potrebnim pokazateljima, čime će se stvoriti pretpostavke za poboljšanje komunikacije sa budućim investitorima, što bi u konačnici dovelo do povećanja broja novootvorenih radnih mjesta.

